



BANJALUČKI DANI KVIZA

TEMATSKI KVIZ: BANJALUKA

Pravila i savjeti:
<ul style="list-style-type: none">Pažljivo čitajte pitanja i obratite pažnju na zadebljani dio teksta
<ul style="list-style-type: none">Za većinu odgovora je dovoljno navesti samo prezime tražene ličnosti, osim ako se eksplicitno ne traži da navedete ime i prezime! Ako napišete netačno ime, uz tačno prezime – odgovor se neće priznati.
<ul style="list-style-type: none">Za vrijeme trajanja kviza, zabranjeno je korištenje mobilnih telefona i bilo kojih drugih elektronskih uređaja.
<ul style="list-style-type: none">Test se sastoji od 80 pitanja i imate 50 minuta za odgovore.
<ul style="list-style-type: none">U slučaju jednakog broja bodova kod dva ili više takmičara, poredak se određuje na osnovu pitanja procjene.
<ul style="list-style-type: none">Autor je Ognjen Kremenović, recenzent Ognjen Kalaba

Ime i prezime takmičara:	Broj bodova:

	<i>Pitanje procjene:</i> Prema podacima NASA-a, koliko u kilometrima iznosi prosječna udaljenost Plutona od Sunca?	
1.	Iako je po Članu 9. postojećeg Ustava Sarajevo glavni grad Republike Srpske, koji to njen najveći grad je ujedno i administrativno središte ovoga entiteta BiH?	
2.	Ubrzanje (pravo ili trenutno) se definiše kao promjena brzine u jedinici vremena. Koji je drugi naziv za ovu vektorsku fizičku veličinu ako znamo da se ona najčešće obilježava slovom <i>a</i> , a traženi pojam je nastao od latinske riječi za <i>žurbu</i> ?	
3.	Zajedno sa Labradorom, od 2001. godine ovo ostrvo čini najistočniju kanadsku provinciju. Iako se za njega ne može i dalje reći da je <i>nova zemlja</i> , kako ga je nazvao engleski kralj još krajem 15. vijeka, to ime se ipak zadržalo do danas. Koje je to ime ostrva ? (HINT: možda bi bilo bolje da odgovorite na našem jeziku)	
4.	Koji grčki filozof je napisao djela <i>Fizika</i> , <i>Metafizika</i> , <i>Politika</i> , <i>Poetika</i> i <i>Retorika</i> ?	
5.	Kako se zove udarac lopte ili dodavanje visokom putanjom preko protivnika, a, između ostalih, često ga izvode teniseri, fudbaleri, rukometaši i vaterpolisti?	
6.	Koji drevni grad je prema <i>Sumerskoj kraljevskoj listi</i> osnovan oko 4500. godine p.n.e. u Donjoj Mesopotamiji, a u njemu se prvi tragovi pisma pojavljuju nekih 1200 godina kasnije? Takođe je i prestonica mitološkog kralja Gilgameša.	
7.	Pravog imena Čarls Li Rej (Charles Lee Ray), ovaj vjerovatno najslavniji lutak horor žanra se prvi put pojavio 1988. godine u filmu <i>Child's Play</i> . Pod kojim imenom/nadimkom je poznat, ako se ono pojavljuje u naslovima 4 filmska nastavka i TV seriji (2021-2024) iz ove franšize?	
8.	Iako se dugo mislilo da ne pripada agrumima (citrusima), koje voće se danas smatra najmanjim članom toga roda? Latinsko ime njegovog	

	najpoznatijeg hibrida je <i>Citrus japonica</i> , što je obmanjujuće s obzirom da ovo voće vodi porijeklo iz Kine i sam naziv mu je nastao od kantonskih riječi <i>gām</i> (zlato) i <i>gwāt</i> (narandža).	
9.	Kako u originalnim, tako i u našoj transkripciji naslova ove dvije opere Đuzepea Verdija (Giuseppe Verdi) možemo naći samo jedno zajedničko slovo. Koje je to slovo ako u operi iz 1851. godine ariju <i>La donna è mobile</i> pjeva vojvoda od Mantove, a <i>O patria mia</i> naslovna junakinja druge opere premijerno izvedene 20 godina kasnije u Kairu?	
10.	Za koji italijanski MotoGP tim trenutno voze Frančesko Banjaja (Francesco Bagnaia) i Mark Markes (Marc Márquez)? U konkurenciji konstruktora titulu su osvojili 6 puta, dok su vozeći za ovaj tim sezonu završavali kao prvi Kejsi Stoner (Casey Stoner) 2007, te trenutni zlatni vozač Banjaja 2022. i 2023. godine.	
11.	Koje egipatsko božanstvo , još poznato i kao Inpu/Anpu, se smatra bogom pogrebnih rituala, zaštitnikom grobova i vodičem u zagrobni život? Obično se prikazuje kao šakal ili čovjek sa šakalovom (po nekim tumačenjima i psećom) glavom, a u koptskoj tradiciji naziva se ΔNOYTT .	
12.	Najslavniji bubnjar ovoga benda mu se priključio 1990. godine, tri godine nakon što je bend osnovan, ali ipak na vrijeme da učestvuje u stvaranju albuma čiji je cover iskoristio Spenser Elden (Spencer Elden) da 2021. godine tuži bend zbog "dječije pornografije". Naravno, ova tužba je odbačena. O kojem bendu je riječ?	
13.	Po najprostijoj definiciji, koji ekonomski pojam predstavlja opšte povećanje cijena dobara i usluga?	
14.	U Francuskoj ih zovu "naduvani kukuruz" (<i>maïs soufflé</i>), u Italiji "turski kukuruz" (<i>granoturco</i>) jer su botaničari onoga vremena greškom mislili da ova	

	biljka dolazi iz Turske a ne iz Amerike, dok kod nas ipak nisu dobile ime po umanjenici za jednu domaću životinju. Kako se na K zovu ove grickalice koje za ogromnu popularnost mogu da zahvale bioskopima?	
15.	Po kojem francuskom dvorcu nosi ime mirovni sporazum potpisan 28. juna 1919. godine u <i>Dvorani ogledala</i> ?	
16.	Prema riječima jednog od njenih osnivača, Kevina Sistroma (Kevin Systrom) - @kevin, prva slika postavljena na kojoj društvenoj mreži je bila ona njegovog psa pored štanda sa takosima u Meksiku? Njena ogromna popularnost i 30 miliona korisnika već u drugoj godini nakon osnivanja doveli su do toga da ovu društvenu mrežu 2012. godine kupi <i>Facebook</i> za oko milijardu dolara u gotovini i dionicama.	
17.	Naslov kojeg alžirsko-francuskog filma iz 1969. godine svojim mačem često "ispisuje" don Dijego de la Vega, a isto to već oko tri godine često možemo vidjeti i na vojnoj opremi?	
18.	Kako se zove vrsta pjesme u kojoj prva slova stihova (ili rečenica) čine riječ, ime ili frazu kada se čitaju odozgo prema dolje? Vjerovatno najpoznatiji primjer ove forme u našim krajevima je <i>Sonetni vijenac</i> koji je France Prešern posvetio <i>Primicovi Jul'ji</i> .	
19.	Gradnja kojeg simbola arhitekture je završena prije 136 godina i 13-14 dana? U to vrijeme su je mnogi lokalni intelektualci (Ernest Meissonier, Charles Garnier, Sully Prudhomme) proglasili za "ruglo" grada, a legenda kaže da je njen arhitekta zbog želje da poveća popularnost te građevine izazvao lokalnog novinara na trku do vrha - preko svih tadašnjih 1710 stepenica koje je objekat imao.	
20.	Koja pjevačica i glumica je postala poznata 1980-ih ulogom mehaničara Čarlin Robinson	

	<p>(Charlene Robinson) u sapunici Neighbours, da bi joj vrata ka ikoni pop muzike i nadimku "princeza popa" (<i>Princess of Pop</i>) otvorilo improvizovano izvođenje pjesme <i>The Loco-Motion</i> na humanitarnom događaju vezanom za australski fudbal (<i>Australian rules football</i>) 1987. godine. Kasnije je sarađivala i sa Nikom Kejvom (Nick Cave), Robijem Vilijamsom (Robbie Williams) i Duom Lipom.</p>	
21.	<p>Koja prestižna ruska baletska i operaska institucija, otvorena 1825. godine, ima samo jednu filijalu van Rusije, smještenu u brazilskom gradu Žoinvilu (Joinville), u južnoj saveznoj državi Santa Katarina?</p>	
22.	<p>Sa osvojenih 12 medalja (9 zlatnih i 3 srebrne), koji Finac je najuspješniji atletičar u istoriji Olimpijskih igara?</p>	
23.	<p>Velika džamija u Đeneu najveći je objekat na svijetu izgrađen od ćerpiča, nepečene opeke od blata. Zbog krhkosti materijala, svake se godine u proljeće gotovo cijeli grad okuplja uz slavlje i muziku kako bi obnovio džamiju prekrivanjem svježim slojem blata. U kojoj afričkoj državi se nalazi ova džamija ako je, pored Đenea, Timbaktu drugi grad iz te zemlje koji se nalazi na listi Svjetske baštine Uneska (UNESCO)?</p>	
24.	<p>H. R. Giger je švajcarski umjetnik i dizajner poznat po svojim jezivim naučnofantastičnim motivima koji spajaju ljudsku anatomiju s mašinama, stvarajući jedinstveni umjetnički stil poznat kao „biomehanički“. Njegovu knjigu <i>Necronomon</i> (1977) (SLIKA 24) je kao poklon dobio Ridli Skot (Ridley Scott) tokom priprema za snimanje jednog filma, te ga je odmah angažovao da izradi umjetnička djela i konceptualne dizajne za taj film. Tako je nastao kulturni horor antagonist poznat pod kojim imenom?</p>	

25.	Koja glumica je u martu ove godine postala prva Izraelka sa zvijezdom na Holivudskoj stazi slavnih?	
26.	Koja dinastija je bila na čelu Kine u vrijeme Kolumbovog "otkrića" Amerike, nakon što je 1368. godine svrgnula mongolsku dinastiju Juan, čiji su se preostali pripadnici povukli na sjever i tamo vladali kao dinastija Sjeverni Juan sve do 17. vijeka?	
27.	Koja umjetnost savijanja papira , čije ime potiče od japanskih riječi za, pazi sad, „savijanje“ i „papir“, se često povezuje s izradom ždralova, žaba, leptira i drugih složenih oblika od papira? Zanimljivo je da su čak i samuraji razmjenjivali presavijene papiriće u obliku leptira za sreću.	
28.	Koji je hemijski element najzastupljeniji u Zemljinoj kori? On čini oko 46,6% njene mase.	
29.	Kako su se prezivali otac i sin , Đovani/Džon (Giovanni/John) i Sebastiano/Sebastian, istraživači venecijanskog porijekla u engleskoj službi, koji su krajem 15. i početkom 16. vijeka odigrali ključnu ulogu u ranim transatlantskim putovanjima? Otac je 1497. godine pod pokroviteljstvom engleskog kralja Henrija VII stigao do obala Sjeverne Amerike, dok je sin kasnije istraživao Južnu Ameriku i služio kao navigator u Španiji i Engleskoj?	
30.	Koja država gradi novi glavni grad Nusantaru na ostrvu Borneo, koji bi trebalo da zamijeni dosadašnji glavni grad zbog problema prenaseljenosti i potonuća tla?	
31.	Za mnoge istoričare <i>Pax Romana</i> (Rimski mir), period relativnog mira i stabilnosti u Rimskom carstvu, počinje pobjedom kojeg budućeg cara nad Kleopatrom i Markom Antonijem u bici kod Akcija? Ovaj period, koji je trajao do smrti Marka Aurelija 180. godine, često nosi ime i po traženoj osobi.	

32.	Koji je petoslovni naziv testa koji služi za procjenu zdravstvenog stanja novorođenčadi 1 minut i 5 minuta nakon rođenja? Nazvan je po prezimenu američke anesteziološkinje Virdžinije (Virginia) koja ga je izumila 1952. godine, a pri njemu se ocjenjuje pet kriterijuma: izgled (<i>appaerance</i>), puls (<i>pulse</i>), refleksi/grimase (<i>grimace</i>), aktivnost (<i>activity</i>) i disanje (<i>respiration</i>)?	
33.	Iako je Bob Kejn (Bob Kane) privatno biografu priznao da je Bil Finger (Bill Finger) odgovoran za 50-75% kreativnog doprinosa u stvaranju ovoga strip junaka, u javnosti je to decenijama poricao. Kao rezultat, Finger je umro zaboravljen i siromašan, uprkos tome što je napisao prvo izdanje <i>DC Comicsa</i> u kojem se pojavljuje ovaj lik - <i>The Case of the Chemical Syndicate</i> , te učestvovao u stvaranju mnogih njegovih protivnika, među kojima su - Selina Kajl (Selina Kyle), Edvard Nigma (Edward Nigma), Osvald Česterfild Koblpot (Oswald Chesterfield Cobblepot) i Harvi Kent (Harvey Kent). O kojem strip junaku je riječ?	
34.	Uređaj na SLICI 34 se jednostavno naziva Brenok uređaj (<i>Brannock Device</i>), a dobio je ime po svome pronalazaču Amerikancu Čarlsu F. Brenoku. Prodajom čega se, skoro sigurno, bave radnje širom Sjedinjenih Američkih Država u kojima možemo vidjeti ovu spravu?	
35.	Pjer-Ogust Renoar (Pierre-Auguste Renoir) je rekao: „ <i>Jednog jutra, jednom od nas je nestalo crne boje, i tako je rođen _____.</i> “ Koji umjetnički pravac popunjava prazninu?	
36.	Kako se zove ostrvo koje je 1642. godine holandski istraživač nazvao u čast svog pokrovitelja, tadašnjeg kolonijalnog upravnika Holandske Istočne Indije, Antonija van Dimena (Anthoonij van Diemen), ali je ono 1856. godine dobilo novo ime zasnovano na prezimenu samog istraživača?	

37.	Koje su prve dvije cifre u skrivenoj godini na kalendaru sa SLIKE 37?	
38.	Za nastavak koje originalne video igre iz 1997. godine je Sandy Petersen dobio zadatak da dizajnira ekspanziju, <i>The Conquerors</i> , objavljenu 2000. godine, u kojoj su se po prvi put pojavile civilizacije poput Maja, Španaca, Huna, Asteka i Korejaca?	
39.	Koji atletičar je osvojio zlato u trkama na 200 m i 400 m na istim Olimpijskim igrama (Atlanta 1996), postavši prvi muškarac s tim "dublom"? Istu su kombinaciju medalja ranije osvojile: Valeri Brisko-Huks (Valerie Brisco-Hooks) 1984. u Los Anđelesu, te Mari-Žoze Perek (Marie-José Pérec) u Atlanti 1996.	
40.	Koja britanska modna dizajnerka , poznata po saradnji s Malkolmom Meklarenom i oblikovanju pank estetike kroz svoj londonski butik <i>SEX</i> , je stekla slavu zahvaljujući provokativnim dizajnima koje je "navlačila" na članove Seks pistolsa?	
41.	Kada je ova crtana serija stigla u poslijeratnu BiH 1996. godine, trebalo je da se naslov samo prilagodi našem jeziku. Međutim, u to vrijeme su u RTV BiH smatrali da bi takav prevod neko " <i>mogao pogrešno protumačiti kao muslimani</i> " 🙄, pa se ona kod nas emitovala pod nešto izmijenjenim nazivom. O kojim crtanim i književnim likovima se radi, ako je njihov tvorac finsko-švedska književnica i ilustratorka Tove Janson?	
42.	13. maja 1950, u Velikoj Britaniji je održana prva F1 trka, na kojoj je trijumfovao italijanski vozač Đuzepe Farina (Giuseppe Farina) u vozilu Alfa Romeo 158. Kako se zove staza na kojoj je vožena ova trka?	
43.	Prvi iz grupe ovih muzeja je otvoren 1937. u Njujorku, drugi u Veneciji 1951, a treći u Bilbau 1997. godine. U kojem azijskom gradu se upravo	

	gradi četvrti, koji će biti i najveći muzej koji nosi to (prez)ime?	
44.	On je vlasnik crnog pojasa u džiju-džicuu, bivši je voditelj <i>Fear Factor</i> , glumio je i u seriji <i>NewsRadio</i> (1995-1999), a od 2009. vodi i vjerovatno najpopularniji podkast na svijetu koji je nazvao po sebi. Kako se zove ovaj podkast ?	
45.	Koja tradicionalna japanska religija , posvećena duhovima poznatim kao kami, ima dubok uticaj na sumo rvanje, pa se zbog toga iznad rvačkog prstena (<i>dohjo</i>) postavlja krov u stilu svetilišta, sudija nosi odjeću sličnu svešteniku, a so se baca radi duhovnog očišćenja prostora?	
46.	Kako se zove nagrađivana američka televizijska serija koju je za HBO osmislio Majk Vajt (Mike White), a koja prikazuje boravak bogatih gostiju i osoblja u luksuznim odmaralištima širom svijeta? Svaka sezona smještena je na drugu egzotičnu lokaciju (prva na Havajima, druga na Siciliji, a treća na Tajlandu), sa novom postavom likova i mračnim, satiričnim prikazom svijeta privilegovanih. Serija se prikazuje od 2021. godine i nosi ime po fiktivnom lancu hotela.	
47.	Koji panamski diktator i bivši saveznik SAD je svrgnut 1989. godine tokom američke vojne invazije pod nazivom "Operacija Pravedni cilj" (<i>Operation Just Cause</i>), a kasnije je osuđen za trgovinu drogom i pranje novca?	
48.	Koja zarazna bolest uzrokovana parazitom iz roda <i>Plasmodium</i> , a koju prenosi ženka komarca iz roda <i>Anopheles</i> , i dalje predstavlja jednu od vodećih zdravstvenih prijetnji u subsaharskoj Africi, i pored višedecenijskih napora za njeno iskorjenjivanje?	
49.	Od pet bazičnih/osnovnih sosova francuske kuhinje (tzv. majčinskih sosova, <i>sauces mères</i>), dva su nazvana po evropskim zemljama. Koje su to dvije zemlje ?	

50.	U kojoj azijskoj zemlji se tradicionalni rukotvorni papir poznat kao handi (<i>hanji</i>) pravi od kore duda i koristi za izradu prozora, lampi, pa čak i oklopa i obuće?	
51.	Koji semitski jezik , službeni u Etiopiji, prema procjenama danas u svijetu govori preko 20 miliona ljudi, a naziv mu potiče od istoimene etničke grupe koja je druga najbrojnija u toj zemlji?	
52.	Koja ruska nacionalna avio kompanija , osnovana 1923. godine kao <i>Dobrolet</i> , danas važi za jednog od najstarijih avio prevoznika koji još uvijek posluju? Iako je pitanje kontinuiteta poslovanja ovih kompanija upitno, od nje se starijim smatraju <i>KLM</i> , <i>Avianca</i> (<i>SCADTA</i>) i <i>Qantas</i> .	
53.	Vilijam Lorence Brag (William Lawrence Bragg) ju je podijelio sa ocem Vilijamom Henrijem Bragom (William Henry Bragg) 1915. godine, Mane Zigban (Manne Siegbahn) ju je osvojio 1924. godine, a njegov sin Kai Zigban 1981, dok je Indijac C.V. Raman je nagrađen istom 1930. godine, 54 godine prije svoga nećaka Subrahmanjana Čandrasekara (Subrahmanyam Chandrasekhar). O kojoj nagradi je riječ (precizan odgovor se traži)?	
54.	Ovaj zimzeleni grm ili malo stablo porijeklom iz mediteranskog pojasa (SLIKA 54) se kod nas naziva maginja, magunja, prvka, obična planika, prpak, itd. (lat. <i>Arbutus unedo</i>). Zbog zelenog lišća, bijelih cvjetova i crvenih bobica koji podsećaju na boje italijanske zastave, ono se smatra i nacionalnom biljkom te zemlje. Pod kojim imenom je ovo drvo najpoznatije u svijetu što je posljedica sličnosti njegovog ploda sa plodom jednog drugog voća (sa kojim nije <i>rodbinski</i> blisko povezano)?	
55.	Koji sveti tekst naroda K'iče (K'iche'), napisan nakon dolaska Španaca u Latinsku Ameriku, opisuje stvaranje svijeta, mitove i istoriju Maja,	

	uključujući i priču o blizancima Hunapu i Šbalankeu koji su pobijedili bogove podzemlja Šibalba?	
56.	U kojoj državi je vođa kulta Džejms/Džim Džouns (James/Jim Jones) osnovao komunu Poljoprivredni projekat Hrama naroda (<i>Peoples Temple Agricultural Project</i>) ili neformalno Džounstaun (Jonestown), gdje je 18. novembra 1978. godine izvršeno masovno samoubistvo-ubistvo kada je stradalo više od 900 osoba?	
57.	Vjerovatno većina zna da su dva najgledanija YouTube videa <i>Baby Shark Dance</i> (15,65 milijardi pregleda) i <i>Despacito</i> (8.66 milijardi). U prvih 5 mjesta se još nalaze i dva videa kanala Cocomelon - <i>Wheels on the Bus</i> (7,17 milijardi), na trećem, i <i>Bath Song</i> (7,01 milijarda), na petom mjestu. Koji je naslov videa , kao i dječije pjesmice na osnovu koje je nastao, koji je od 2016. dostigao je 7,02 milijarde pregleda, a prati dječaka Džonija (Johny) koji zbog svoje ljubavi prema šećeru mora <i>da laže oca</i> ? Na SLICI 57 možete vidjeti oba (ne tri, nego dva) naslovna lika.	
58.	Koji političar je i 35. i 39. predsjednik Brazila? 2017. je bio osuđen po optužbama za pranje novca i korupciju, nakon čega je proveo 580 dana u zatvoru, zbog čega mu nije bilo dozvoljeno da se kandiduje na predsjedničkim izborima sljedeće godine. Priznaje se i mononim.	
59.	Koji britanski istraživač je nestao u amazonskoj džungli 1925. dok je tragao za izgubljenim gradom koji je nazvao "Z", a što je poslužilo kao inspiracija za ekranizovane romane "Izgubljeni svijet" (<i>The Lost World</i>) Artura Konana Dojla i "Izgubljeni grad Z" (<i>The Lost City of Z</i>) Dejvida Grana? Skeniranja sprovedena LIDAR metodom posljednjih godina pokazuju da je ovaj istraživač	

	vjerovatno bio u pravu kada je tvrdio da se u amazonskoj prašumi nalazi veliki izgubljeni grad.	
60.	Prema podacima marketinško istraživačke kompanije <i>Campaign Asia</i> , lanac restorana brze hrane <i>Jollibee</i> je proglašen za najbolji brend hrane (<i>Best Food Brand</i>) na teritoriji Jugoistočne Azije u 2024. godini. Iako bi vjerovatno mnogi lokalni posjetioци željeli da uz <i>chickenjoy</i> popiju i <i>San Miguel</i> pivo, alkohol se ipak (uglavnom) ne služi u ovim restoranima. U kojoj državi je 1978. godine osnovan ovaj lanac restorana?	
61.	Ko je prva žena iz Afrike dobitnica Nobelove nagrade za književnost? Još od njenog debitantskog djela "Lice u lice" (<i>Face to Face</i>) iz 1949. godine prožima se tema razornog uticaja aparthejda na živote lokalnog stanovništva. 1974. je osvojila i Bukerovu nagradu za djelo "Konzervator" (<i>The Conservationist</i>).	
62.	Prvo izdanje kojeg krimi/noir stripa je objavljeno u Francuskoj 2000. godine, a radnja je smještena u Ameriku 1950-ih i prati antropomorfnoг mačka? Zanimljivo da autori nisu ni Francuzi ni Amerikanci, nego Španci - Huan Diaz Kanales (Juan Díaz Canales) i Huanho Gvarnido (Juanjo Guarnido).	
63.	Koji afroamerički pronalazač je, nakon što je svjedočio sudaru automobila i zaprežnog vozila, odlučio da nešto promijeni po pitanju bezbjednosti saobraćaja, te je tako patentirao prvi semafor sa tri signala (20. novembra 1923. godine)? Ovaj pronalazač je kasnije patentirao ovaj uređaj i u Velikoj Britaniji i Kanadi, a bio je i pionir u polju zaštite na radu (izumio i gasnu masku).	
64.	Koju japansku multinacionalnu investicionu holding kompaniju je 1981. godine osnovao Masajoši Son (Masayoshi Son)? Ona danas ima značajne udjele u firmama <i>Arm</i> (poluprovodnici),	

	<i>Alibaba</i> (e-trgovina), <i>OYO Rooms</i> (hotelijerstvo), <i>WeWork</i> (kolektivni radni prostori) i <i>Deutsche Telekom</i> , a njen <i>Vision Fund</i> je najveći svjetski tehnološki investicioni fond sa preko 100 milijardi dolara kapitala.	
65.	25 od 27 poznatih Uranovih satelita nosi ime kao likovi koji se pojavljuju u Šekspirovim djelima, a 3 od 27 kao likovi iz Poupovog (Alexander Pope) djela <i>Rape of the Lock</i> . Koje ime / satelit je zaslužno za ovu matematičku "anomaliju"?	
66.	Koji drevni indijski matematičar i astronom , rođen 476. godine nove ere, je napisao znameniti traktat koji nosi njegovo ime (objavljen oko 500. godine), a dao je ključne doprinose matematici i astronomiji – uključujući aproksimaciju broja π (pi) i ideju o rotaciji Zemlje oko svoje ose?	
67.	Koji državnik, vojskovođa i pisac i prvi predsjednik ujedinjene Argentine (1862–1868) je napisao značajne biografije Hozea de San Martína i Manuela Belgrana, osnovao uticajne novine <i>La Nación</i> i zagovarao liberalne reforme koje su oblikovale modernu Argentinu?	
68.	Na SLICI 68 prikazana je statua kojeg zloglasnog gusarskog kapetana iz 14. vijeka, vođe grupe privatnih ratnika poznatih kao <i>Vitalienbrüder</i> (<i>Victual Brothers</i>), koji je navodno tražio od hamburškog gradonačelnika da pomiluje onoliko članova njegove posade pored koliko bi mogao da prođe nakon pogubljenja? Prema legendi, uspio je da prođe pored 11 ljudi i nakon što mu je odsječena glava.	
69.	Koji izumrli rod velikih, oklopljenih sisara , poznat po svojoj masivnoj, kupolastoj ljusci je živio od pliocena od holocena, a predstavlja i praiistorijskog srodnika današnjeg oklopnika (armadila)? Njegovo ime potiče iz grčkog jezika i znači „urezani zub“ (grč. γλυφος – urezivanje,	

	οδους – zub). Najveći broj fosilnih ostataka ove životinje je pronađen u Južnoj Americi.	
70.	Ovaj američki psiholog , rođen 1878. godine, smatra se jednim od osnivača biheviorizma. Predložio je da psihologija treba da se fokusira na proučavanje posmatranog ponašanja, a ne na nevidljivi um. Njegov kontroverzni eksperiment "Mali Albert" pokazao je da se strah može usloviti kod ljudi. Koja je ova uticajna ličnost u oblasti psihologije?	
71.	Koja mehanička igra nastala 1920-ih godina u Japanu služi i kao arkadna igra i kao vid kockanja? Doživjela je ogroman rast popularnosti nakon Drugog svjetskog rata, a do 1994. tržište ove igre u Japanu je vrijedilo oko 30 bilijardi jena. Iako predstavlja oblik kockanja, funkcioniše u legalnoj sivoj zoni - dobitak se isplaćuje u tokenima koji se kasnije van objekta mogu zamijeniti za novac. Godine 2015. donijela je veći prihod od kockanja nego Las Vegas i Makao zajedno.	
72.	Koji tradicionalni, nacionalni sport Mjanmara, smatran i umjetnošću i igrom, uključuje šest igrača koji koriste stopala, koljena, grudi i glavu da bi međusobno dodavali ratan loptu (SLIKA 72), izvodeći pri tom elegantne pokrete i plesne figure, pri čemu nije cilj nadigravanje protivnika već savršenstvo pokreta?	
73.	Kako se zove livada na obali jezera Lucern u švajcarskom kantonu Uri, koja važi za simbol slobode i nezavisnosti Šumskih kantona (<i>Waldstätte</i>) još od 14. vijeka? Prema legendi, upravo su se tu 1307. godine sastali predstavnici kantona Uri, Švic i Untervalden kako bi položili ____ <i>zakletvu</i> , čime su udarili temelje Švajcarskoj konfederaciji.	
74.	Koja norveška klizačica i holivudska filmska zvijezda je tri puta zaredom osvojila zlato na	

	Olimpijskim igrama (1928, 1932, 1936) u pojedinačnoj konkurenciji, deset puta uzastopno bila svjetska prvakinja (1927–1936) i šest puta osvojila titulu evropske šampionke (1931–1936)?	
75.	Radnja kojeg južnoafričkog mjuzikla , za koji je tekst napisao David Kramer, a muziku Taliep Petersen, je smještena u kasne pedesete i prati tinejdžera Kat Dajmonda (Kat Diamond) koji veruje da je najbolji pjevač i igrač u Distriktu 6, multirasnoj četvrti Kejptauna? Ovaj mjuzikl je ubrzo nakon južnoafričke premijere debitovao i na Vest Endu gdje je 1999. dobio <i>Lorens Olivije nagradu za Najbolji novi mjuzikl</i> , ali i <i>Nagradu za najboljeg glumca u mjuziklu</i> koja je dodijeljena cijeloj glumačkoj ekipi, što predstavlja jedinstven slučaj do sada.	
76.	Koja istorijska dramska tv serija , originalnog naslova <i>Khatoon</i> (خاتون), prati život iranske porodice tokom Anglo-sovjetske invazije na Iran 1941. godine? Glavne uloge igraju Negar Džavaherijan, Aškan Hatibi i Mirsad Molavian, a premijerno je prikazana na platformi <i>Namava</i> 2021 godine.	
77.	Kada bismo simbole hemijskih elemenata sortirali obrnutim redoslijedom po engleskom alfabetu, od prvih 6, koliko njih bi se moglo napisati slovima koja se nalaze i u našoj abecedi?	
78.	Kako se zove južnoafrički radio-teleskop , smješten u istoimenom nacionalnom parku u provinciji Sjeverni Kejp (Northern Cape), koji je pušten u rad 2018. godine i uključen u prvu fazu međunarodnog projekta <i>Square Kilometre Array</i> (SKA 🦉)? Njegovo ime predstavlja igru riječi – odnosi se i na jednu lokalnu životinju ali i na njegovo prethodno ime (Karoo Array Telescope).	
79.	Koji novozelandski umjetnik (SLIKA 79) maorskog porijekla (1931-2013) je vjerovatno najpoznatiji po serijalu "Crne slike" (<i>Black Paintings</i>) koji je	

	započeo 1968. godine? Kroz upotrebu industrijskih materijala, njegova umjetnost je često sredstvo političkog bunta, s naglaskom na osudu nuklearnih proba u Pacifiku.	
80.	Kada bih vas sada pitao kakav vam je kviz, sigurno bi neko odgovorio - "Pa, predugačak je". Koji rečenicu na engleskom i popularni internet mim bi lik sa SLIKE 80 sigurno dobio kada bi čuo ovaj razgovor?	



Slika 24




Slika 34

October						
Sun	Mon	Tues	Wed	Thurs	Fri	Sat
	1	2	3	4	15	16
17	18	19	20	21	22	23
24	25	26	27	28	29	30
31						

Slika 37



Slika 54




Slika 57



Slika 68



Slika 72



Slika 79.



Slika 80

ODGOVORI

	Pitanje procjene: 5,9 milijardi kilometara		
1.	Banja Luka	41.	Mumijevi / Mumini / Moomins
2.	Akceleracija	42.	Silverstoun / Silverstone
3.	Njufaulndland / Newfoundland	43.	Abu Dabi
4.	Aristotel	44.	The Joe Rogan Experience
5.	Lob	45.	Šinto(izam)
6.	Uruk	46.	Bijeli lotos / White Lotus
7.	Čaki / Chucky	47.	Manuel Norijega
8.	Kumkvat	48.	Malaria
9.	I (Rigoletto i Aida)	49.	Španija i Holandija/Nizozemska (espagnole i hollandaise) - priznati samo ako su navedene obe zemlje
10.	Dukati / Ducati	50.	Južna Koreja
11.	Anubis	51.	Amharski
12.	Nirvana	52.	Aeroflot
13.	Inflacija	53.	Nobelova nagrada za fiziku
14.	Kokice	54.	Jagodnjak / Jagodno drvo / Strawberry tree
15.	Versaju	55.	Popol Vuh
16.	Instagram	56.	Gvajana
17.	Z	57.	Johny Johnny Yes Papa / Džoni Džoni da tata
18.	Akrostih	58.	Lula / Luiz Injasio da Silva / Luiz Inácio da Silva
19.	Ajfelova kula	59.	Persi Foset / Percy Fawcett

20.	Kajli Minog (Kylie Minogue)	60.	Filipini
21.	Boljšoj teatar	61.	Nadin Gordimer
22.	Pavo Nurmi	62.	Bleksad / Blacksad
23.	Mali	63.	Garet Morgan / Garrett Morgan
24.	Ksenomorf / Xenomorph (priznati i Alien)	64.	SoftBank (Group Corp.)
25.	Gal Gadot	65.	Ariel (duh koji se pojavljuje i u Šekspirovoj <i>The Tempest</i> i u Poupovoj <i>The Rape of the Lock</i>)
26.	Ming	66.	Arjabata / Aryabhata
27.	Origami	67.	Bartolome Mitre
28.	Kiseonik / O	68.	Klaus Štertebeker (valjda je ovako) / Klaus Störtebeker
29.	Kabot(o) / Cabot(o)	69.	Gliptodon
30.	Indonezija	70.	Džon Votson / John Watson
31.	Oktavijan Avgust / Octavian Augustus (bilo šta od navedenog priznati)	71.	Pačinko / Pachinko
32.	APGAR (prezime je Apgar ali i Appearance, P ulse, G rimace, Activity, R espiration)	72.	Činlon / Kejnbol
33.	Batman	73.	Rutli / Rütli
34.	Obuće (priznati sve slično - cipela, patika, ...)	74.	Sonja Heni / Sonja Henie
35.	Impresionizam	75.	Kat i Kraljevi / Kat and the Kings
36.	Tasmanija	76.	Bilo jednom u Iranu / Once Upon a Time in Iran
37.	15 (1582. godine je reformisan kalendar)	77.	2 (Zr, Zn, Yb, Y, Xe, W)

38.	Age of Empires (II)	78.	MeerKAT
39.	Michael Johnson	79.	Hone Papita Raukura "Ralf" Hotere
40.	Vivijen Vestvud / Vivienne Westwood	80.	That's what she said!